

CYNGOR CYMUNED MANORDEILO A SALEM CYFARFOD 9^{fed} IONAWR 2019

Cynhaliwyd cyfarfod Cyngor Cymuned Manordeilo a Salem am 7.30pm ar y 9^{fed} Ionawr 2019 yn yr Ystafell Ddarllen, Cwmifor.

PRESENNOL

Cynghorwyr Alun Davies, Kim Davies, Gwenfyl Evans, Peter Harries, Dorian Jenkins, Doris Jones, William Loynton, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y Gadair gan y Cyng. Alun Davies a chroesawodd bawb i'r cyfarfod gan ddymuno Blwyddyn Newydd Dda i Gynghorwyr. Derbyniwyd ymddiheuriadau gan y Cyng. Arwel Davies ac Andrew Thomas.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. G. Evans ac roedd pawb yn gytûn bod cofnodion y cyfarfod diwethaf a gynhaliwyd ar y 12^{fed} Rhagfyr 2018, fel ag y maent wedi'u teipio a'u dosbarthu yn gywir.

Arwyddwyd gan y Cadeirydd

3. DATGANIADAU O DDIDDORDEB

Ni dderbyniwyd unrhyw Ddatganiadau o Ddiddordeb.

4. MATERION YN CODI

4.4. 4.4.4.4.13i) Nid yw'r bin sbwriel ychwanegol yn ei le eto ar y lôn rhwng Meithrinfa Twts Tywi a Thŷ'r Orsaf yn Glanrhyd, Manordeilo. Bydd y Cyng. J. Davies yn gwneud ymholiadau am hyn gyda Chyngor Sir Gâr (C.S.G.)

Cyng. J. Davies

4.4.4.4. 4.4.10 Mewn perthynas â'r goeden sy'n ffinio ag Ardal Chwarae Caledfwlch, Clerc i drefnu cyfarfod ar y safle gyda'r Cynghorwyr H. Gwynne a W. Loynton a Mr Paul Davies mewn perthynas â pha gamau y dylid eu cymryd. Clerc

4.11.1 Mewn perthynas â Chofeb Ryfel Taliaris, mae'r Cyng. J. Davies wedi cysylltu â pherchennog y tir cyfagos a fynegodd hyd ag y gwyddai ef nad yw'r gofeb yn eiddo iddo. Fodd bynnag, fe ddywedodd y tîrfeiddiannwr y byddai'n gallu darparu ychydig o dir sy'n ffinio gyda'r ffordd, pe bai angen gwneud unrhyw waith ar y Gofeb yn y dyfodol er mwyn gwella diogelwch ar y rhan o'r ffordd hon, sy'n medru bod yn beryglus. Hysbyswyd gan y Cyng. O. Williams y bydd yn cwrdd â swyddog CADW yn ystod yr wythnosau nesaf ac y bydd yn gofyn am gyngor ynglŷn â'r ffordd orau ymlaen. Unwaith eto trafodwyd y posibilrwydd o osod plac gyferbyn â'r Eglwys sy'n nodi'r un wybodaeth sydd ar y cofadail fel dewis posib.

4.9. Mewn perthynas ag arwyddion yn hysbysu am geffylau ar y ffyrdd yn ardal Salem/Capel Isaac, mae Tîm Rheoli Traffig C.S.G. wedi anfon ffurflen gais y disgwylir i berchennog yr eiddo lle cedwir y ceffylau dan sylw eu llanw.

4.11. Dim ymateb pellach gan Elusen Cariad Heart mewn perthynas ag argaeledd arwyddion a chardiau gyda phwyntiau bwled arnynt gyda chmau gweithredu. Clerc i wneud ymholiadau pellach.

5iv) Mae enwebiad y Cyng. A. Thomas ar gyfer y swydd wag fel llywodraethwr yn Ysgol Gymraeg Teilo Sant wedi'i anfon ymlaen i C.S.G.

5v) Mae Ymgynghoriad Cyllideb 2019-2022 C.S.G. wedi'i anfon at y cynghorwyr i'w gwblhau.

13ii) Mae'r Clerc wedi ysgrifennu at Mr S. Pilliner yn mynegi pryder y Cyngor ynglŷn â'r posibilrwydd o golli gwasanaethau bysiau gwledig. Derbyniwyd ymateb a rhoddodd y Cyng. J. Davies ddiweddariad i'r cynghorwyr yn y cyfarfod. Mae C.S.G. wedi cyrraedd cytundeb gyda'r darparwr gwasanaeth presennol Morris Travel i barhau i wasanaethu Penybanc a Salem, er bydd yr amserlen yn newid. Bydd hyn am gyfnod prawf o ddeuddeg mis.

13iii) Bydd arolygydd Adran Briffyrdd C.S.G. yn adolygu'r canghennau/perthi sy'n tyfu dros y ffyrdd yn ardal Capel Isaac.

5. GOHEBIAETH

i) Banc Lloyds, Cyfriflen dyddiedig 31 Rhagfyr 2018, Taflen Rhif 12, Gweddill o £12,948.62

Nodwyd

ii) HSBC, Cyfriflen Banc dyddiedig 15 Rhagfyr 2018, Taflen Rhif 341, Gweddill o £21.49.

Nodwyd

iii) C.S.G. Hysbysiad Talu, 27/12/2018, trydydd rhandaliad o'r Archebiant, £5,000.

Nodwyd

iv) C.S.G. parthed Cynllun Datblygu Lleol 2018-2033 dogfennau cyhoeddiedig yn cynnwys safleoedd posib. Os nad yw C.S.G yn cytuno ar safle arfaethedig, fe allai'r ymgeisydd wrthwynebu a chaiff ei drosglwyddo i'r Arolygwyr am benderfyniad terfynol.

v) Llywodraeth Cymru, Diweddariad Cyngorau Tref a Chymuned 2018, Clerc i'w anfon allan ar e-bost.

Nodwyd

vi) Llywodraeth Cymru parthed SUDS ar gyfer dŵr wyneb mewn datblygiadau newydd.

Nodwyd

vii) Heddlu Dyfed Powys parthed dwyn beiciau modur pedair olwyn.

Cyfrif cyfryngau cymdeithasol/gwefan y Cyngor

viii) Age Cymru Sir Gâr parthed gwasanaethau sydd ar gael.

Cyfrif cyfryngau cymdeithasol/gwefan y Cyngor

ix) Un Llais Cymru parthed bwletin newyddion, pecyn cymorth/Gwneud y Gorau o Werth Cymdeithasol a hyfforddiant.

Nodwyd

6. ADOLYGIAD O'R GYLLIDEB

Mae Cyfriflen Banc dyddiedig 31 Rhagfyr 2018 yn rhoi gweddill o £12,948.62. Mae un siec gwerth £315.00 heb ei chyflwyno sy'n rhoi cyfanswm gwirioneddol o £12,633.62.

7. GOLEUADAU

Dim i'w drafod.

8. LLWYBRAU TROED

Dim i'w drafod.

9. CYNLLUNIO

Cytunwyd y dylid gwneud y sylw canlynol:

E/38188

Eiddo Domestig ar Wahân

Tir wrth ymyl Derwenfach

Penybanc

Llandeilo

SA19 7SU

Mr a Mrs Jenkins

Dim Sylwadau ar wahân i bryderon am y fynedfa

10. ARCHEBIANT AR GYFER 2019/2020

Cyflwynwyd y papurau canlynol gan y Clerc:

- Incwm a Gwariant Ebrill-Rhagfyr 2018
- Taliadau ar ôl i'w gwneud yn ystod y flwyddyn ariannol yn diweddu 31^{ain} Mawrth 2019
- Rhoddion a roddwyd yn ystod y blynyddoedd blaenorol a hyd at Ragfyr 2018
- Gofynion cyllidebol yn seiliedig ar wariant cyfredol ar gyfer y flwyddyn ariannol nesaf Ebrill 2019-Mawrth 2020

Nodwyd bod lefel yr Archebiant yn cymharu'n ffafriol gyda chynghorau cyfagos. Os bydd y ffigwr cyfredol o £15,000 yn parhau'r un fath, bydd hyn yn gyfartal â bras gynnydd o £19 y flwyddyn i breswlydd Band D. Rhoddwyd ystyriaeth bellach trwy gadw cyngor Llywodraeth Cymru mewn golwg y dylai pob cyngor feddu ar rhwng 3 a 12 mis o gostau gweithredol wrth gefn gan barhau i weithredu a chwrdd ag unrhyw wariant nas rhagwelwyd yn ystod y flwyddyn i ddod. Yn dilyn trafodaeth, cynigiwyd gan y Cyng. P. Harries, eiliwyd gan y Cyng. O. Williams ac roedd pawb yn gytûn y dylid cynyddu'r Archebiant i £16,000.

11. ADRODDIAD BLYNYDDOL

Trafodwyd yr Adroddiad Blynyddol drafft a ddosbarthwyd yn y cyfarfod blaenorol. Cytunwyd ei fod yn adroddiad defnyddiol yn darparu gwybodaeth am waith y Cyngor. Gofynnwyd i Gynghorwyr ddarparu lluniau o'r ardal o bosib i'w cynnwys a bydd y Cyng. O. Williams a'r Clerc yn cwblhau'r Adroddiad.

Pawb/Clerc

12. CYFRIFON I'W TALU

i) Ystafell Ddarllen Manordeilo, Llogi'r Neuadd Hydref, Tachwedd, Rhagfyr 2018, Siec Rhif 1288

£56.00

ii) Mrs Jane Davies, Cyflog y Clerc Ionawr 2019, Siec Rhif 1289

£430.00

CYFANSWM

£486.00

13. UNRHYW FATER ARALL

Dim

Gan nad oedd rhagor o fusnes, diolchodd y Cadeirydd i aelodau am fynychu a daeth y cyfarfod i ben am 9.00pm.

.....6^{ed} Chwefror 2019
CADEIRYDD